

植物名實圖考

植物名實圖考卷之二十

固始吳其濬著

蒙自陸應穀校刊

蔓草

土茯苓

木蓮

常春藤

千里及

槿藤子

懸鉤子
二圖

伏雞子根

使君子

何首烏

木鼈子

馬兜鈴

南藤

威靈仙

黃藥子 三圖

山豆根

預知子

仙人掌草

鷲抱

獨用藤

百棧藤

天仙藤

金棧藤

野豬尾

杜莖山

土紅山

芥心草

含春藤

大木皮

石合草

祁婆藤

瓜藤

紫金藤

雞翁藤

烈節

馬接腳

藤長苗

狗筋蔓

絞股藍

牛皮銷

豬腰子

九仙子

杏葉草

明州天花粉

台州天壽根

老鸛筋

木羊角科

土茯苓

夏草卷之三十



土茯苓

土茯苓卽草禹餘糧本草拾遺始著錄宋圖經謂之刺猪苓今
通呼冷飯團形狀功用具本草綱目近時以治惡瘡爲要藥多
以草解充之或有以商陸根僞充者草解去濕性尙不遠若商
陸則去水峻利宜慎辨之

琴婁農曰土茯苓出近世俗醫治惡疾邀重利如操左券吾於
是見造物之好生也且旋賊之而旋生之也五行遞嬗遘厲紛
拏人生口體之奉所以戕其四端之性而誘之以四奸者豈無
一息之或道乃病以歧黃未論之病卽藥以農皇未嘗之藥

既不擇人而生藥亦不擇地而育甚至垢腐潰臭妻孥遠避而醫者曩沐之而投以草木之滋或起行屍而肉白骨卒不使之盡戕其生又非造物生機無一息之或停哉夫萬物死於北亦生於北易曰坎勞卦也萬物之所成終而成始也造物既賦之而復生之勞亦甚矣非特此也孟子曰天地之生也一治一亂在人則賊之生之在天下則治之亂之造物果何心哉雖然死至思生亂極思治造物之心亦人心耳人勞勞於生死治亂之途造物亦不得不勞之於生之死之治之亂之之故然則代造物而理物者欲聽人物之擾攘而無所勞焉得乎



木蓮

木蓮卽薜荔本草拾遺始著錄自江而南皆曰木饅頭俗以其實中子浸汁爲涼粉以解暑圖經綱目備載其功用多驗

雋婁農曰薜荔以楚詞屢及詩人入詠遂目爲香草今江南陰濕牆瓦攀援殆遍何曾有臭罔薜荔兮爲帷則山居柴扇石戶間皆是矣宋李彥發物供奉大抵類朱勔農不得之田牛不得耕望殫財靡芻力竭餓死或自縊輟輒間如龍鱗薜荔一本蓋致之費踰百萬不知此有何好而必輦致非詩人口孽耶徐諧詩兩人莓苔綠霜濃薜荔紅梅聖俞詩春城百花發薜荔上陰

階但誦好詩那得不神往密雨斜侵窻戶涼生時乎貧賤者盜
天地之菁英以自適其適富貴者又欲盜貧賤之逍遙以窮其
所窮漢武以菊醬蒲萄而開邊魏大武以甘蔗而返旆侈心之
萌誰能刃斬克己復禮仁也楚靈王若能如此豈其辱於乾谿
宋徽宗若能如此豈至北以牛車

按薜荔李時珍以爲卽木蓮而圖經以爲一類二種滇南有
一種與木蓮絕相類而葉實皆畧小其卽圖經所謂薜荔耶
楚詞薜荔拍兮蕙綢罔薜荔兮爲帷皆言其能緣牆壁也又
曰貫薜荔之落蕊木蓮花極細詞人寓言未可拘執而注以

爲香草不知薜荔殊無氣味釋離騷者斤斤於香草美人拘
文牽義誠無當於格物耳山海經有草荔狀如烏韭而生石
上應是苔類漢書房中歌都荔遂芳方是香草非絡石蔓延
山木者也



常春藤

常春藤卽土鼓藤本草拾遺始著錄曰華子以爲龍鱗薛荔誤
誓以爲卽巴山虎今南北皆有之結子圓碧如珠與拾遺
功用長於治癰疽腫毒

雪安農曰京師浩穰營園亭者皆能致南中花木卽嶺南
亦時附婆羅船越重洋隨拍趁風而達析津然冬寒皆爲
以避霜雪若薛荔絡石之屬緣牆壁而亘冬夏者則天時
皆不宜之惟常春藤被綠垣帶怪石綠葉匝匝爲庭蔭之
細花惹蜂青實啣雀於藥果皆無取然枝蔓下有細足

極平疾風甚雨不能震撼人之有牆以蔽惡也牆之階壞藤有
賴焉然則彼都人士庇焉而不縱尋斧焉宜矣




千里及

千里及本草拾遺始著錄圖經千里光千里及形狀如一李時珍併之良是其黃花演花同葉異則非一種今俚醫用以治目呼爲九里明

雋叟農曰藥物異地則異名而千里光之名起嶺嶠下隸章逾彭蠡洞庭達於夜郎牂牁無弗同者聞名而知其必有功於目已其花黃如菊盛於秋得金氣殆菊之別子耶花老爲絮則與蒲公英又類族也滇醫以洗瘡毒蓋以此吾觀其物而愧不能爲光明燭也雖有良藥其如余何乃作詩曰登臨滇海不

止悠悠極目思在千里左眄千里洞庭始波滔滔江漢丹楫若
何右睇千里一綫瀾滄赤髮金齒逝矣窮荒前望千里九嶷蒼
梧愁雲曷極海波天吳後顧千里金沙岷江東流不息去矣吳
艤玉京何在三萬六千白雲間之衆星醉天露冷之柏霜隕之
桑安得神瞳闕彼帝鄉英光遽遣與爾實族且信人言以拭吾

目



榼藤子

榼藤子卽象豆詳南方草木狀本草拾遺開寶本草始著錄南越筆記云子炒食味佳

零婁農曰余至粵未得見斯藤按記子可食膚可爲榼以貯藥何造物憫斯人之勞而爲之代斲也藤之實有匏焉小以酌大以濟木之實有柳焉小以飲大以掬古者祭祀器用匏非僅尙其質亦以見天地之爲人計者纖悉俱備用之以示報也彼靡天地之物而不知天地之心必以暴殄致天罰榼藤惜不植於嶺北近世蜀中模柚皮以爲器以無用爲用且輕而潔兩嶽斷

大竹以爲甌至省工力若而人也以營巧也不爲病矣

直勿之口口口口

懸鈎子

蔓草卷之二下





懸鈞子

懸鈞子本草拾遺始著錄李時珍以爲卽爾雅箭山莓郭注今之木莓也小樹高不盈丈江南山中多有之與楊梅同時熟或亦呼爲野楊梅


雩婁農曰湖湘間莓至多皆春時熟然多蔓生此草得之袁州居然木也嶺南及滇蔓者皆類木殊不易別凡莓皆以果視之不僅充猿糧而供扈粟矣山居之民飲木葉蔬澗毛糲藤根果實之具甘酸者婦穉緣欽巖而掇之以爲佳品其天性全而滋味薄故能與猿颯爭捷而嵐氣不得刺其膚草通都大邑甜榴

好李無非栽接種則珍矣譬如一麥而有桃李奈三味焉欲持此以證農皇所嘗之味豈有合耶

伏雞子根

三

蔓草卷之二十



伏雞子根

伏雞子根本草拾遺始著錄生天台山根似鳥形者良治黃疸
瘰癧癰腫

使君子

十四

蔓草卷之二十



使君子

使君子卽留求子形狀詳南方草木狀開寶本草始著錄今以
治小兒疝蟲實長如樞實本草衍義謂用肉難得仁蓋絕小殊
未確

等婁農曰藥之殺蟲者味皆辛苦留求子味至甘且馨小兒嗜
之無推除之跡而殺蟲尤峻然則風雨和甘皆可以化無形之
害不必隕霜降雪而後能殲蟲賊螟螣矣三代以前去惡如鋤
草朝野晏然而禍根已盡三代以後去惡如拔山國法甫行而
死灰復起蓋和甘者所以植善類善類長則稂莠消霜雪者所


以毒惡物惡物不盡則禾黍不滋且和甘之日長則惡物無冀
倖之心霜雪之日短則善類有孤子之懼稷契升庸而共兇自
遠和甘之普被也漢唐廓清而讒險猶在霜雪所不及也雖然
苦之殺蟲效可立見甘之殺蟲效必緩臻是又王霸之分而歡
娛皦皦之異形矣乃爲使君之贊曰彼使君兮如風之東披拂
惠和虺蜴遁窮彼使君兮如炎而潤浸沐洗濯跂喙恬順彼使
君兮如霜而杲惠我赤子如在保抱彼使君兮如列而矚矚我
窮黎爲掃室蚤使君使君飲之可醺載合載吮思我使君



何首烏

何首烏詳唐李翱何首烏傳開寶本草始著錄有紅白二種近時以爲服食大藥救荒本草根可煮食花可燥食俚醫以治癰疽毒瘡隱其名曰紅內消東坡尺牘以用棗或黑豆蒸熟皆損其力文與可詩亦云斷以苦竹刀蒸曝凡九爲夾羅下香屑石蜜相和治然則世傳七寶美髯丹其功力不專在交藤矣近時價日增而藥益僞其大者多補綴而成以余所至居處間皆紫綠雙蔓貫籬築砌如拳如杯拋擲屑越崑山以玉抵鵲又文與可所謂蓋以多見賤蓬蘽同一虧也滇南大者數十斤風戾經

時肉汁獨潤然不聞有服食得上壽者豈所忌魚肉未能盡絕而炮製失其本性耶三斗栲栳大號山精滇人得之不必有緣唯博善價糶穀事育耳寇萊公服地黃蘿蔔使髮早白聞見近錄作服首烏而食三白余怪近之服餌者髮輒易皤殆緣於此則亦讀本草未熟也服食求仙固爲妄說節嗜通神藥乃有效醉飽中而乞靈草木南轅北轍相去益遠若其活血治風之功則明時懷州知州李治所傳一方吾以爲不妄



木鼈子

木鼈子開寶本草始著錄圖經云嶺南人取嫩實及苗葉作茹蒸食藥肆唯取其核形宛似鼈大如錢霏雪錄著其毒能殺人俗傳丐者用以毒狗本草綱目所列諸方宜慎用之又番木鼈形狀功用具本草綱目亦云毒狗至死

寧婁農曰天之生物非物物刻而雕之也然觀斯物之類斯形也其不疑爲般輪之肖物歟夫人一類也一物而備萬物者也而心不同如其面天下之人固無有內外無弗類者至人之視物則飛潛動植第以爲各從其類而已然其牝牡之相依巢穴

之相聚肥瘠雨露之相養彼一類也又鳥能無弗類耶乃人與物物與物又往往離於其類而互爲類虎頭燕領盡目豺聲人之類物者亦既以其類類之而羽淵之熊使君之虎夢之爲蝶肘之生柳方其類物也不知其類人也海上之國有長尾者有比肩者有夜飛者有足如雞者有頭如狗者人之類耶物之類耶吾鳥從類之耶若乃馬之似鹿也駁之似馬也獾獾之被髮也猩猩之能言也人都之燔炙也天刑之弓矢也人蔓之啼也靈根之吠也海上之樹實如嬰兒也當道之梓精爲青牛也笋之爲地也瓜之爲蝶也蚓之爲百合也穀之飛蟲也葱韭之互

變也凡世之以此物類彼物者皆物之異於其類而相類也夷
堅之志恢詭神異或以人類物或物類人或物類物變化不類
而成怪類而鯤池之中何有無凡陸居所有之類無不類焉
豈天之生物固不可測而坯陶模範非物者之物物也亦必有
物焉爲之類族而成物耶九疇之錫曰五行金木水火土皆物
也易之策萬有一千五百二十當萬物之數而說卦一翼乾坤
艮巽震離坤兌所爲變動不居周流六虛者皆析而爲物後世
術者卽五行八卦之物以窮天下之物而皆能物其物如東方
朔趙達及管郭輩皆以其所知之物以類所不知之物然則物

之類而不類不類而類者豈非有物焉爲之參伍而錯綜其類耶通其變遂成天下之文極其數遂定天下之象造物之與開物均是物也夫天地神鬼不可端倪而致之者必以其物則非物者亦必求其物之類類之而僂師之爲人墨子之爲鳶以非其物而爲物其亦有得於物物者之物歟

又按近世信驗方治舌長數寸用番木鱉四兩刮淨毛切片川連四錢煎水將舌浸良久卽收蓋以異物治異病也



馬兜鈴

馬兜鈴開寶本草始著錄俗皆呼爲土青木香卽唐本草獨行根也俚醫亦曰雲南根李時珍以爲卽都淋藤其形狀功用具圖經救荒本草云葉可食今湖南山中多有之唯花作筒似角上彎又似喇叭色紫黑與圖經花如枸杞花殊異其葉實及仁俱無差或一種而地產有異耶



南藤

南藤卽丁公藤事具南史解叔謙得丁公藤漬酒治母疾有神效開寶本草始著錄今江西湖南市醫皆用以治風亦呼石南藤或作藍藤音近而訛

雩步農曰南藤山中多有之或謂之搜山虎蓋言其疏風入筋絡也解叔謙遇丁公純孝所感信矣但丁公者殆深山採藥之叟非必神仙變化而用南藤者亦未必自此始也顧吾謂人子平日不能知藥臨時求之而不得之而不達其敢以不能名之草木相嘗試乎人神感格渺不可憑一息之緩悔何及矣雖

然天下豈有不悔之人子哉

植物名實圖考

南藤

三

蔓草卷之二十

植物名實圖考

威靈仙

三

蔓草卷之二十



威靈仙

威靈仙開竇本草始著錄有數種本草綱目以鐵腳威靈仙堪用餘不入藥今俚醫都無分別救荒本草所述形狀亦別一種今但以鐵腳者屬本草餘皆附草藥近時庸醫遇瘡輒用既不_知其疎利過甚又不辨其形狀何似刺人而殺委罪於藥哀哉行義綱目論之詳矣故備載以戒

琴婁農曰其力勁故諡曰威其效捷故諡曰靈威靈合德仙之上藥也乃秘方傳而他族滋則丹竈有外道矣昔有石穴候雲氣出躡之則飛昇相傳仙去者不知幾輩矣穴之外暴骨如莽


皆曰仙者之委蛻也有覲之者乃巨虺之窟其靈氣則所噓之
毒酸也然則世之矜曰仙者將毋有蘊虺蜴之毒者耶

黃藥子

三

蔓草卷之二十





黃藥子

毛

蔓草卷之二十



黃藥子

黃藥子開寶本草始著錄沈括以爲卽爾雅薑大苦前此未有言及者其根色黃入染家用味亦不甚苦葉味酸救荒本草酸扁笋卽此湖南謂之酸桿其莖如蓼有斑江西或謂之斑根

華叟農曰甚矣草木之同名異物而多識之難也郭景純以甘草釋大苦而謂其葉如荷沈括駁之是矣然沈所謂黃藥者究不識其爲何產李時珍以今之黃藥當之而易荷爲薄荷則政釐而附會之矣宋圖經謂忠州萬州者莖似小桑秦州謂之紅藥施州謂之赤藥葉似蕎麥開白花已明列數種又引蘇恭葉

似杏花紅白色子肉味酸之說以爲不同則又一種矣李時珍
所謂黃藥卽今之酸桿滇謂之斑莊根俚醫習用或以其根浸
酒滇本草云味苦澀性寒攻諸瘡毒止咽喉痛利小便走經絡
治筋骨疼痰火痿痺手足麻木五淋白濁婦人赤白帶下治痔
漏亦效與古方僅治項瘰咯血者不同然則以李時珍所據之
黃藥而強以治古人所治之證其能效乎滇南又有一種與斑
莊絕肖者秋深開小白花葉亦微似杏土人謂之扒毒散治惡
瘡有殊效插枝卽生人家多植之或卽蘇恭所謂黃藥者歟若
忠萬秦州所產吾所未見不敢臆揣然皆非沈括所謂葉似荷

者滇南又別有黃藥乃極似山薯而根圓多鬚卽湖南之野山藥其白藥子亦謂之黃藥皆別圖凡以著其物狀而附以俚醫之說以見一物名同實異不敢盡以古方所用必卽此藥以貽害於後世庶合闕如之義云爾

山豆根



山豆根

山豆根開寶本草始著錄今以爲治喉痛要藥以產廣西者良
江西湖南別有山豆皆以治喉之功得名非一種

粵婁農曰甚矣物之利於人者易於售僞而欲利人者不可不
博求而致意也山豆根治喉痛舉世知之賴之然余所見江右
湘滇之產味皆薄而與原圖異而原圖又非如小槐者不至其
地烏知其是耶非耶

植物名實圖考

預知子

三

蔓草卷之二十



預知子

預知子開寶本草始著錄相傳取子二枚綴衣領上遇有蠱毒則聞其有聲嘗預知之故有是名圖經言之甚詳但謂蜀人貴重之亦難得蒙筌則謂無其物存原圖以俟訪

粵婁農曰預知之名甚奇蒙筌汰之宜矣但唐人有知命丸服之無疾如微覺脇痛則知數將盡服海藻湯下之藥能預知誠有之矣夫滿應月桐知閏亦預知也甘草苦草病草皆能知歲非異卉也蘘荷葉置席下能知蠱者姓名其預知尤足異何獨於預知子而疑之雖然草木預知者非一而此藤獨得預知之


名則斯草之幸也乃以預知之故既令聞者疑其名實之未副
且名可聞而實不可得見豈以世爭貴重搜掘無遺預知者乃
不能庇其本根如古之喜談休咎者之卒不免耶抑深藏榛蕪
識之者希如真有道術之士遁跡韜晦雖日雜市販稠衆之中
而終無蹤蹟者耶是皆未可知也

三ノコノミ

仙人掌草

三ノ

三ノ




仙人掌草

國經仙人掌草生台州筠州味微苦而澀無毒多於石壁上貼壁而生如人掌故以名之葉細而長春生至冬猶青無時採彼土人與甘草浸酒服治腸痔瀉血不入衆藥使


明黃佐仙人掌賦序仙人掌者奇草也多貼石壁而生惟羅浮黃龍金沙洞有之葉勁而長若齟齬狀發苞時外類芋魁內攢瓣如翠毬各擎子珠如掌然青赤轉黃而有重殼剖之厚者在外如小椰可爲匕勺薄者在裏如銀杏衣而裏圓肉煨食之味兼芡栗可補諸虛久服輕身延年俗呼爲千歲子云移植惟宜

沙土粵州書院精舍中庭後圃皆有之予以其奇賦焉



稿抱

請抱宋圖經外類生宜州山林下附石治風熱咽喉腫瀉解法
箭塗熱弄



獨用藤

獨用藤宋圖經外類生施州葉上有倒刺主心氣痛



百稜藤

百稜藤宋圖經外類生台州治風痛大風瘡疾亦作百靈

天仙藤

三

蔓草卷之三




天仙藤

天仙藤宋圖經外類生江淮浙東山中治疝氣妊娠腹痛皆有方

金棱藤

三

蔓草卷之二十




金梭藤

金梭藤宋圖經外類生施州有葉無花主筋骨疼痛

野豬尾

卷

蔓草卷之二



野豬尾

野豬尾宋圖經外類生施州有葉無花主心氣痛解熱毒

杜莖山

罕

蔓草卷之二十



杜莖山

杜莖山宋圖經外類生宜州葉似苦蕒花紫色實如枸杞味苦
性寒主溫瘧寒熱煩渴頭痛心躁搗葉酒浸絞汁服吐惡涎效



土紅山

里

蔓草卷之二十



土紅山

土紅山宋圖經外類生福州及南恩州高八九尺葉似枇杷而小無毛白花如粟粒味甘苦微寒主勞熱瘴瘧搗葉酒漬服福州生者作藤似芙蓉葉上青下白搗根治勞瘴佳

芥心草



芥心草

芥心草宋圖經外類生淄州引蔓白色搗汁治瘡疥甚效

合春藤




含春藤

含春藤宋圖經外類生台州蔓延木上治風有效

大木皮

草入草卷之二十一



大木皮

大木皮宋圖經外類生施州主療一切熱毒氣



石合草

石合草宋圖經外類生施州纏木作藤葉爲末調貼一切惡瘡
及斂瘡口



本草綱目卷之二十一
三
神婆藤

神婆藤宋圖經外類生天台山主治風

瓜藤

畧

蔓草卷之二十



瓜藤

瓜藤宋圖經外類生施州皮搗貼熱毒惡瘡

紫金藤

卷八

蔓草卷之二十



本草綱目卷之二十一
紫金藤

紫金藤宋圖經外類生福州皮主丈夫腎氣

1111 2m 1544



1111 2m 1544

植物名實圖考

雞翁藤

四

蔓草卷之二十一

雞翁藤

雞翁藤宋圖經外類生施州蔓延大木治勞傷婦人血氣



烈節

烈節朱圖經外類生榮州似丁公藤而細主筋脈急痛肢節風冷作浴湯佳

馬接脚

至

蔓草卷之二十



馬接腳

馬接腳宋圖經外類生施州皮治筋骨疼痛




藤長苗

救荒本草藤長苗又名旋菜生密縣山坡中挖蔓而生苗長三四尺餘莖有細毛葉似滴滴金葉而窄小頭頗齊開五瓣粉紅大花根似打碗花根根葉皆味甜採嫩苗葉燂熟水浸淘淨油鹽調食掘根換水煮熟亦可食

狗筋蔓


五

蔓草卷之二十



狗筋蔓

救荒本草狗筋蔓生中牟縣沙岡間小科就地挖蔓生葉似狗
掉尾葉而短小又似月芽菜葉微尖鞘而軟亦多紋脈兩葉對
生梢間開白花其葉味苦採葉焯熟水浸淘去苦味油鹽調食




絞股藍

救荒本草絞股藍生田野中延蔓而生葉似小藍葉短小軟薄
邊有鋸齒又似痢見草葉亦軟淡綠五葉攢生一處開小花黃
色又有開白花者結子如豌豆大生則青色熟則紫黑色葉味
甜採葉燂熟水浸去邪味涎沫淘洗淨油鹽調食

牛皮消

臣

蔓草卷之二



牛皮消

救荒本草牛皮消生密縣野中挖蔓而生藤蔓長四五尺葉似馬兜鈴葉寬大而薄又似何首烏葉亦寬大開白花結小角兒根類葛根而細小皮黑肉白味苦採葉燂熟水浸去苦味油鹽調食及取根去黑皮切作片換水煮去苦味淘洗淨再以水煮極熟食之

猪腰子



猪腰子


猪腰子本草綱目始著錄生柳州蔓生結莢色紫肉堅長三四寸主一切瘡毒

九仙子



九仙子

九仙子本草綱目收之出均州太和山治咽喉痛散血



杏葉草

園經杏葉草生常州味酸無毒主腸痔下血久不差者一名金盞草蔓生籬下葉葉相對秋後有子如雞頭實其中變生一小蟲子脫而能行中夏採花用按圖非近時金盞花

明州天花粉

五九

蔓草卷之二



明州天花粉

宋圖經天花粉生明州味苦寒毒主消渴身熱煩滿大熱補氣
安中續絕傷除腸中固熱八疸身面黃唇乾口燥短氣通月水
止小便利十一月十二月採根用 按此云毒與瓜萋根或異

類

宜材名醫圖

台州天壽根

三

蔓草卷之二十



台州天壽根

宋圖經天壽根出台州每歲土貢其性涼堪治胃膈煩熱彼土人常用有效

老鶴筋

上

蔓草卷之三十一



老鶴筋

救荒本草老鶴筋生田野中就地挖秧而生莖微紫色莖又繁稠葉似園荳葉而頭不尖又似野胡蘿蔔葉而短小葉間開五瓣小黃花味甜採嫩苗葉煤熟水浸去邪味淘洗淨油鹽調食



木羊角科

救荒本草木羊角科又名羊桃一名小桃花生荒野中紫莖葉似初生桃葉尤俊色微帶黃枝間開紅白花結角似豇豆角甚細而尖觶每兩角並生一處味微苦酸採嫩梢葉燂熟水浸淘淨油鹽調食嫩角亦可燂食按本草所述羊桃皆獼猴桃類中以膠石者亦是其類造紙者所用又一種樹此羊桃形狀正與陸疏符合